

drost vorss., min handt hyr onder gesat, ende myn segel an dessen [breiff] gehangen, up den achteinden February anno XV^c veer und tsestich.

E. VAN ENSSE.

N^o. 182.

8 Aug. 1566.

Guilielmus Auriacus, Dominus territorii de Cuik, conventum S. Agathae ejusque possessiones suscipit in suam protectionem.

(Charta authentica in tabulario ejusdem conventus; bis).

Wilhelm byder gratien Godtz Prince van Oraengien, Grave van Nassau, van Catzenelnboghe, van Vyanden, van Diets, van Tonnerre, van Charun etc.; Heere Baron van Breda, van Diest, van Grimbergen, vander Lecke, van Warsten, vander Nydevaert, van Arlan, van Noseray, van Chastelvelm; Pantheer vanden Grave ende landen van Cuyck; Borchgrave van Antwerpen ende van Besancon; Ridder vander orden des Gulden Vlies; Stahthouder ende Capiteyn Generaell van Burgundien, van Holland, van Zelant ende van Utrecht; allen Capiteynen, Oversten, Rytmeesters, hoop- ende beveelsluyden van ruyteren ende knechten, ende voirts allen anderen, onder syner Majestaet besoldinghe, die desen onsen breiff zien sullen, saluyt. Alzoe (milder gedachtenis) onse voirvaderen Graven tot Bueren oick Pantheren waren vanden Grave ende lande van Cuyck vorss., alle tyt in hoer zunderlinghe proteectie gehadt hebben tconvent en gadtshuys van synt Achgten, in den selven lande van Cuyck gelegen, doen te weeten, dat wy ten versuecke ende ernaighe bede vanden Prior ende gemeyne conventualen des selven godtzhuys, om redenen voirss. ende andere ons dair toe bewegende, doir die goede gunste ende affectie, die wy theuwaertz syn dragende, de selve oick gestelt ende genomen hebben, stellen ende nemen by desen in gelicke protectie, beschermenisse ende sauvegarde, metzsgaders alle des conventz pachtenaeren, hoeve-

naeren ende dynaeren, hoeren woenynghen, pachthoeven, moelen, schueren, beesten, provande, leeftouchten, fouragie, karen, haver, hoy, stroe ende alle anderen huer gueden nyet uytgenomen, om voir alle fortsse, geweld, overlast ende schaede bewaert te zyn, hen consentirende dat zy in kennisse ende teeken onser wapen opte porten vanden convente huysyngen ende woeningen, hoeven ende guederen slaen ende stellen moegen. Befelen dair om well ernstelicken den ghenen onder onsen bevell ende gehoersamheit staende, versoeckende aen allen anderen, dat zy den voirss. Prior ende religiosen hoer gaedtzhuys, hoeven, dynaeren, ende guederen doende ende gedogende dese onse beschermenisse ende sauvegarde volcomelick ende peyselick genieten ende gebryucken, niet en doen noch laeten geschieden ennige oeverlast, geweld, moeyte, schaede oft verlies by vuytfueren off afnemen van hoere provande, beesten, granen, fouragien oft andere goeden, in wat manyren dat het zy, maer soe vele in u luyden is de selve van onsen twegen dair voir beachuedden ende beschermen. Sulx willen wy tegen eene ydere nae zyn gelegentheit gerne wederom (a) verschulden ende bedencken. Ende dat die ghene onder onsen bevell zyn, hier inne volgen onsen wille ende meyninghe, dese zoe lange ons gelieven sal durende. Des toirconden hebben wy onsen naem hier ondergeteekent, ende onsen zegell van wapens daer aen doen hangen (b). Gegeven tot Antwerpen opten viii^e dach in Augusto anno xv^e sess ende tsestich.

GUILLE DE NASSAU.

(a) *Wederom*, in altera charta legitur *weder*.

(b) *Sigillum neque chartae appensum neque impressum fuit. Usus sigilli tunc temporis minus erat frequens, ast loquendi formula antiquitus usurpata manebat.*